



## Ие (өг-бүлө) капиталындан ай санының төлевириниң дугайында

Россияның Пенсия фондузу ие (өг-бүлө) капиталындан ай санының төлевирин алырының дугайында билдиришишкннерни хулээп эгелээн. Ук төлевир чүгле 2018 чылдың январь 1-ниң соонда ийи дугаар өпөязы төрүттүнген болгаш деткимче негеттинип турар өг-бүлелерге көрдүнген. Авалар сертификат алыр болгаш төлевир тургузары-биле хары угда ийи билдиришишкнни кирип болур.

Ай санының төлевирин алыр эрге тодарадырда, өг-бүлениң эрткен 12 айның орулгазының ниити түнүн 12-ге үлээш, үнүп келген түңнү өг-бүлениң кежигүүннериниң санынга (ийи дугаар төрүттүнген чашты база санаар) үлөптер. Бир эвес үлээшкнниң түңнелинде үнүп келген хемчээл өг-бүлениң чурттап турар регионунда күш-ажыл кылып шыдаар хамаатының амыдыраарының эң адаккы деңнелиниң 1,5 катап өстүрген хемчээлиден эвээш болур болза, Пенсия фондузунче чогуур билдиришишкнни кирип болур. Тывада бо хемчээл - 15 252 рубль болуп турар.

2017 чылдың 2-ги кварталында Тыва Республикада күш-ажыл кылып шыдаар хамаатының амыдыраарының эң адаккы деңнели (ТР-ның Чазааның 2017 чылдың 8 айның 11-ден №360 доктаалы)	Күш-ажыл кылып шыдаар хамаатының 1,5 амыдыраарының эң адаккы деңнелинге хамаарыштыр өг-бүлө кежигүүнүнүн орулгазы	4 кижиден тургустунган өг-бүлениң 2017 чылда орулгазы (ада-иези болгаш ийи ажы-төлү)	3 кижиден тургустунган өг-бүлениң 2017 чылда орулгазы (авазы болгаш 2 ажы-төлү)	2018 чылда ай санында төлевирниң хемчээли - 2017 чылдың 2-ги кварталында чаш уругнуң амыдыраарының адаккы деңнели (ТР-ның Чазааның
----------------------------------------------------------------------------------------------------------------------------------------------------------------------------	-------------------------------------------------------------------------------------------------------------------	--------------------------------------------------------------------------------------	---------------------------------------------------------------------------------	------------------------------------------------------------------------------------------------------------------------------------

				2017 чылдың 8 айның 11-ден №360 доктаалы езугаар)
10 168	15 252	61 008	45 756	10 347

Өг-бүлениң ниити орулгазынче акша-төлевири, акша шаңналдары, пенсия, социал дузаламчы төлевирлер, стипендиялар, янзы-бүрү компенсациялар, алименти кирип турар. Пенсия фондузунче баарының бетинде ук төлевирлерниң, Пенсия фондузундан алган төлевирлерден аңгыда, түнү чогуур документилен-биле шынзыттынган турар ужурлуг .

Бир эвес ажы-төл күрүнениң долу хандырылгазында турар болгаш өг-бүлениң орулгазының дугайында меге медээ киирген база ол ышкаш ада-ие эргезин казыттырган таварылгаларда, ай санының төлевирин тургуспас.

### **Билдиришкинни киирер хуусаа:**

Ийи дугаар уругнуң 1,6 чыл харлаанынга чедир кайы-даа үеде киирип болур. Бир эвес билдиришкинни 6 айлыынга чедир киирер болза, төлевирни чаш уругнуң төрүттүнген хүнүнден эгелеп тургузар. Бир эвес 6 ай эрткен соонда киирер болза, төлевирни билдиришкин киирген хүнден эгелеп тургузар.

### **Билдиришкинни кайнаар киирерип:**

Билдиришкинни чурттап турар чериниң аайы-биле Пенсия фондузунуң эргелелинче азы хөй адырлыг төп таварыштыр киирер. Хоойлу езугаар билдиришкинни бир ай иштинде сайгарып көргөш, төлевирни дараазында 10 ажылчын хонук эрткенде агар-санче шилчидер.

### **Ай санында төлевирниң хемчээли:**

Төлевирниң хемчээли региондан хамааржыр — ону РФ-ның субъектининиң мурнуку чылдың 2 —ги кварталында ажы-төлдүң амыдыраарының адаккы деңгелинге деңгештирген. Бир эвес өг-бүле төлевир алыры-биле, 2018 чылда билдиришкин киирер болза, ооң хемчээли 2017 чылдың 2 —

ги кварталында ажы-төлдүн амыдыраарының адаккы деңнелинге дең болур. Тыва Республикада ай санының төлевири 10 347 рубльге деңнеп каан, чүге дээрге 2017 чылдың 2-ги кварталында ажы-төлдүн амыдыраарының адаккы хемчээли ол хире болуп турар.

Ай санының төлевири чаш уругнуң 1,6 харлыынга чедир көрдүнген-даа болза, баштайгы төлевирниң хуусаазы бир чыл. Ол хуусаа соонда билдириишкинни база катап киирер. Бир эвес ие капиталы бүдүнү-биле ажыглаттынган, өг-бүле чурттап турар черинден көже берген азы болза чаш уруг 1,6 харлапкан таварылгаларда, төлелгени соксадып кааптар.